

### 0.0.1 dasadhamma suttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhu āmantesi bhikkhavoti. bhaddanteti te bhikkhū bhagavato paccassosum. bhagavā etadavoca:
2. dasa ime bhikkhave dhammā pabbajitena abhiṇhaṃ paccavekkhitabbā. katame dasa:
3. vevaṇṇiyamhi ajjhupagato'ti pabbajitena abhiṇhaṃ paccavekkhitabbāṃ.
4. parapaṭibaddhā me jīvikā'ti pabbajitena abhiṇhaṃ paccavekkhitabbāṃ.
5. añño me ākappo karaṇīyo'ti pabbajitena abhiṇhaṃ paccavekkhitabbāṃ.
6. kaccinu kho me attā sīlato na upavadatī'ti pabbajitena abhiṇhaṃ paccavekkhitabbāṃ.
7. kaccinu kho maṃ anuvicca viññū sabrahmacārī sīlato na upavadanti'ti pabbajitena abhiṇhaṃ paccavekkhitabbāṃ.
8. sabbehi me piyehi manāpehi nānā bhāvo vinābhāvoti' pabbajitena abhiṇhaṃ paccavekkhitabbāṃ.

9. kammassakomhi kammadāyādo kammayoni kam-mabandhu kammaṭṭisaraṇo yaṃ kammaṃ karissāmi kalyāṇaṃ vā pāpakaṃ vā tassa dāyādo bhavissāmī'ti pabbajitena abhiṇhaṃ paccavekkhitabbaṃ.

10. kathaṃ bhūtassa me rattindivā vītipatantī'ti pabbajitena abhiṇhaṃ paccavekkhitabbaṃ.

11. kaccinu khoḥaṃ suññāgāre abhiraṃmāmi'ti pabbajitena abhiṇhaṃ paccavekkhitabbaṃ.

12. atthinu kho me uttarimanussadhammā alamariyaṭṭāṇadassana viseso adhigato sohaṃ pacchime kāle sabrahmacārīhi puṭṭho na maṅkubhavissāmī'ti pabbajitena abhiṇhaṃ paccavekkhitabbaṃ.

13. ime kho bhikkhave dasa dhammā pabbajitena abhiṇhaṃ paccavekkhitabbā'ti.

14. idamavoca bhagavā. attamanā te bhikkhū bhagavato bhāsitaṃ abhinandunti.